

Äмтн бääх гермүдин то авлгънд белдвр

1957 джилин июль сард КШСС-н ЦК-н болн СССР-н Министрмүдин Советин батлдж авсн, өөрхн 10-12 джилмүдин эргцд күчкөлсчир бääх патьрин туст гардг дуту-дундсит уга келгънә туск, äмтн бääх гермүд тосхлгъна агъу ик программ мана орн-нутт сäänәр күцäгдджәнә.

1957 болн 1958 джилмүдин эргцд äмтн бääх цуг агъугъарн 123 сай квадратн метр гермүд тосхгдв, эс гидж зурагъар темдггдснäs 15 сай квадратн метр ик.

1960 джилин январин 1 шинд бääсәр орн-нутгин äмтн бääдг цуг гермүдин көрнъгин болн балгъсна äмтсин эврә эзнә эдллгънд бääх гермүдин то авлгън болхмн.

Болх то авлгън, балгъсна äмтн бääдг гермүдин цуг агъугъинь, энүнә кеерч, ясрлгъна девснъгинь тоолдж диглх, äмтн бääх гермүд тосхлгъна то-дигин иткл авх, зәрм балгъсдар болн көдлмшчнрин поселксәр äмтн бääх герәр ягъдж теткгдджәхинь диглх аргъ учрахмн. То авлгнъа ашмуд, äмтн бääх гермүд тосхлгъна зура келгънд болн күчкөлсчнрит бääх герәр тетклгънә керг-үүлдврт хамг кергтә тоот материалмуд өгхмн.

(ТАСС).